

Ibuprofen

Lea'aki ko e “ai-piu-pro-fen”

‘Oku ngāue‘aki ‘a e fo‘i‘akau ibuprofen ke faito‘o ‘aki e langá, kulokula mo fakahangatāmakí pea mo e mofí. ‘Oku malu ‘a e ibuprofen ki he kakai tokolahí ka ‘oku fiema‘u ha tokanga lahi ange ‘i ha ngaahi tūkunga ‘e ni‘ihí, hangē ko ‘ení ‘o kapau ‘oku ke toto mā‘olungá, palopalema‘ia e mafú pe kofuuá, palopalema ‘a e keté (hangē ko e pala ngākaú pe tu‘u totó), mahaki-helá, ta‘u 65 pe motu‘a angé, pe ifi tapaká. Alea‘i mo ho‘o kautaha ki he mo‘ui lelei pe ko e folo ‘o e ibuprofen ‘oku fe‘unga nai ia mo koé.

Folo e ibuprofen fakataha mo e me‘akaí pea mo e vaí



Folo fakataha mo e me‘akaí ke ta‘ofi ‘a e futefutengiá pe hakevelá.



Nofo mo‘ui lelei lolotonga ho‘o folo ‘a e ibuprofen ‘aki e inu ke lahi ‘a e vaí - ‘e tokoni ‘eni ke malu‘i ‘a ho‘o kofuuá.

Folo ‘a e fo‘i‘akau lēvolo ma‘ulalo tahá ki he taimi nounou tahá



Ko e fua angamaheni ma‘a e kakai lalahí ko e 200mg ki he 400mg tu‘o tolu pe tu‘o fā he ‘ahó ‘o ka fiema‘ú.



‘Oua na‘a ke folo ‘o lahi ange ‘i he lahi ‘oku fokotu‘u atú.



Ko e ‘ū nunu‘a kovi angamaheni mo faingata‘á ‘oku hiki atu ia ‘i he peesi hono hokó

Mahalo ‘e ‘i ai e ‘ū faito‘o kehe ‘e lava pe ke ‘iate kinautolu ai ‘a e ibuprofen

Kuo ‘i ai foki ‘a e ibuprofen ‘i he ‘ū faito‘o ki he langá, momokó mo e fulū, eg, Nurofen®, Nurofen Cold and Flu PE® mo e Maxigesic®.

Vakai‘i fakalelei ‘a e ‘ū me‘a ‘oku ngaohi‘aki ‘a e ‘ū faito‘ó ki mu‘a ia pea ke toki folo kinautolú.

Talaange ki he tokotaha pe kautaha mo‘ui lelei ‘oku ne tokangaekina koé

- ‘O kapau ‘oku ke toto mā‘olungá, mahaki-mafú, mahaki-helá pe palopalema‘ia ‘a ho‘o kofuuá.
- ‘O kapau ‘oku mole lahi ‘a e vai mei ho sinó pe luá.
- ‘O kapau ‘oku ke folo ha ‘ū toe faito‘ó pe ngaahi ‘akau faito‘ó.

Ko e taimi 'oku 'IKAI totonu ai ke ke folo 'a e ibuprofen

- Kapau 'oku 'i ai ha' o palopalema kete he lolotongá ní pe 'i he kuohilí hangē ko e pala ngākaú pe tu' u totó.
- Kapau 'oku ke feitamá.
- Kapau kuo 'ikai sia'a ho mafú pe mamahi 'a e fatafatá (angina).
- Kapau na'a ke pā kalavá pe 'ohofi ho mafú.
- Kapau kuo 'i ai ha' o mahaki tu' uma' u 'o e kofuuá.
- Kapau kuo ma' u 'e ho' o sino ha tali kovi (hangē ko e veli o fakakulokula (hives) pe faingata'a'ia 'a e mānavá) ki he ibuprofen aspirin, pe 'ū faito' o anga-tatau pē (alea' i mo ho' o kautaha ki he mo' uileleí).
- Kapau 'oku ke folo ha 'ū faito' o ke fakasi'isi' i 'aki 'a e poloka e totó (anticoagulants) hangē ko e warfarin, dabigatran mo e rivaroxaban.
- Kapau 'oku ke folo ha faito' o kehe ki he kulokulá pe fakahangatāmaki hangē ko e diclofenac (Voltaren®), naproxen (Naprosyn®) pe celecoxib (Celebrex).
- Kapau 'oku ke folo 'a e 'ū faito' o ki he toto ma' olungá ('oku fiema' u ia ke ke vakai' i mo ho' o kautaha ki he mo' uileleí ki mu' a pea toki folo 'a e ibuprofen).

'Ū nunu'a kovi angamahení


'Oku fa'a angavaivai pē 'eni pea alu pē 'a e taimi pea nau pulia atú. Talanoa mo ho' o timi ki he mo' uileleí 'o kapau 'oku fakatupu 'e he 'ū nunu'a ko 'eni ha' o ngaahi palopalemá pe 'ikai pulia atú:

- futefutengiá, hakevelá, langa keté
- fakalele (diarrhoea).

'Ū nunu'a kovi faingata'a

Ta'ofi ho' o folo 'a e ibuprofen pea fetu' utaki ki ho' o timi ki he mo' ui leleí pe Healthline 'i he 0800 611 116 'o kapau 'oku ke fakatokanga' i ha taha 'o e ngaahi me' a ní:

- Ko e 'ū faka' ilonga 'o ha tali kovi 'a ho' o sino 'o hangē ko e kulokula mo veli e kilí, fakahangatāmaki, nounou 'o e mānavá, mano' o e fatafatá.
- Lanu kulokula pe lanu melomelo 'a e tu' uofí pe lanu 'uli' uli 'a e tu' umama' ó, tale toto maí, lahi makehe 'a e puke fakamāhiná – 'e lava ke hoko 'eni ko ha ngaahi faka' ilonga 'o e fānoa 'a e totó.
- Fufula e tunga' i va'é, toto 'i ho' o tu' uofí pe 'ikai pē ke tu' uofí – 'e lava ke hoko 'eni ko ha ngaahi faka' ilonga 'o ha palopalema 'o e kofuuá.

 Ke ma' u ha fakamatala lahi ange fekau' aki mo e ibuprofen, 'a' ahi ki he hn.org.nz/ibuprofen